

ادیق کاکق سموا تنتو سوک دغر خبر بایگ . ادیق کاکق تامو کا دق کات توهن تورون ده کا کیت خبر مق بایگ سکالی انتوق سموا اورغ د دنیا ؟

ادیق کاکق بولیه باچ خبر بایُك تو دالم کتاب انجیل . فرکتان "انجیل" سائنی اصل دی بهاس کریك ، فس معنا دی " خبر هق بایك".

سوغ فاتوتله سموا اورغ هق فكغ كا توهن يغ سا ، باچ كتاب انجيل تو ، سبب دي ساتو كتاب كتاب هق توهن بري ده كتاب دالم سموا كتاب هق توهن بري ده سوروه تريما .

# كتاب انجيل اد نام سالاني

سبب اف ستقه اورغ فغكيل كتاب انجيل دغن نام سا لائي ، يايت كتاب فرجنجين بارو اسبب اد جوك كتاب سا لائي هق اورغ فغكيل كتاب فرجنجين لام تو ، كتاب فرجنجين لام تو ، ايسي دي كتاب توراة ، كتاب زبور ، دغن كتاب نبي دولو .

كتاب فرجنجين لام دغن كتاب فرجنجين بارو سائني ، دي كدواله بري تاهو خبر توهن انتوق مائنسي كيت ، جادي ، كتاب انجيل ستوجو ، رويت خبر هق نبي دولو مولائي رويت دالم كتاب توراة ، كتاب زبور فس كتاب نبي دولو تو ،

تافي ، كتاب انجيل هوبوغ رويت ، بري تاهو كهور چرف لائي ، فس بري سمفرن خبر بائيك هق توهن تو انتوق ماُنسي كيت .

### كتاب انجيل انتوق سياف ؟

توهن نق بري تاهو خبر بائيك هق دي كا سياف ؟ توجوان توهن ، نق بري تاهو كا سموا مانسي ، تاگيرا بغسا مان ۲ فون ، ترماسوق اديق كاكق هق دوق باچ سورت ني جوك .

اورغ۲ مق براس نق سمبه كا توهن يغ سا ،كو جالن مق بنر ، بوليه باچ ، اورغ۲ مق ايغين نق كنل دغن توهن سوغكوه۲ هاتي ، فس تا تمو لاكي، مستحق باچ ، اتوا فون اورغ مق تاكوت دي نق كنا سيقسا د اخيرة ، بوليه باچ جوك ، فس اورغ مان مق سوسه هاتي ، هق براس تا اد اره نق كامق ده ، سموا ني با يك باچاله كتاب انجيل ، فس تريما خبر با يك مق توهن انتوق دي .

ادیق کاکق سندیری براس بالس مان ؟ نق تاهو کا دق ، خبر بائیك هق توهن چادغ ده انتوق ادیق کاکق دالم کتاب انجیل تو ؟

## كتاب الجيل اد4 بهاكين

# 1. خبر بایُك چارا حال عیسی المسیح تیفوقله دالم كتاب انجیل موک (۱) سمغی دموک (432) بهاکین نی رویت: -

- 1. چاراحال عيسى المسيح لاهير كا دنيا .
- چاراحال توجوان توهن بري عيسى تورون ماري تو.
  - 3. چاراحال فركارا عجايب مق عيسى بوات.
    - 4. چاراحال فغاجران عیسی المسیح
  - خاراحال فرکارا۲ هق عیسی بوات نق تولوغ بری سلامت کا مانسی کیت .
- و. چاراحال عیسی کنا انگلیت نائیك کلیق کا تمفت سدیا هین شخک سمفی هاری قیامة ، هاری مق عیسی نق تورون ماری سمولا جادی حالیم اتس سموا اورغ .

## <u>2. خبر بائیك حال۲ عیسی المسیح كی رات۲</u> لفس دي نائیك كلیق كا شرك تو

تيڤوقله دالم كتاب انجيل موك (433)سمفي د موك (554) بهاكين ني رويت:-

- 1. چاراحال توهن تورون روح دی اتس اورغ ۲ هق مولا۲ فرچای کا عیسی تو.
- 2. جاراحال خبر بائيك ملارت ني رات، ، ملالوني كو ً اورغ ٢ مق فرچاي تو.

<u>.3</u> خبر بایل دالم سورت کیریمن کفد فواق ۲ المسیح

فواق ۲ المسيح تيقوقله دالم كتاب انجيل موك (555) سمفي دموك (937) بهاكين ني اد سورت ۲ كيريمن درفد اورڅ ۲ هق باوا تيته المسيح كفد فواق ۲ المسيح هق مولا ٢ تيمبول . سمفي كا ماس لاني فون ، فواق ۲ المسيح سرات دنيا بوليه باچ بوليه تاهو كهندق توهن انتوق اورڅ ۲ هق سلامت ده ، ترماسوق :-

- اف هق دي كنا فرچاي .
- 2. لاكو مان دي كنا دوق هيدوف هاري٠٠.
- توهن يغ سا.لاكو مان دي كنا سمبه كا توهن يغ سا.
- هارافن مق تنتو هق توهن لتق ده انتوق میلیق المسیح .

# - خبربایل جارا حال ماس کو دافن دغن اخیراق تیقوقله دالم کتاب انجیل موک (938) سمغی دموک (995) بهاکین نی رویت:-

- هابیس .
  - 2. چارا حال هاري قيامة .
- 3. چاراجال ميبليس دغن سكل ۱ مق دوق توروت دي

- نق تريما حكومن نراك.
- جاراحال کسوکائن هق تا اد اره نق بندیغ ، هق توهن چادغ ده انتوق ما نسی فد ماس فواق هق سلامت ده بولیه ماسوق مغهادف توهن یغ مهاملیا دشرک .
  چاراحال کبسران ، کواس ، فس کملیائن توهن یغ سا.

# نق باچ کتاب انجیل لائو مان؟

1. كتاب انجيل تبل ، اد باپق موك ! با اديق كاكق امسق نق باچ سبواه كتاب انجيل، بغكالي نق براس واويه ، كات : كتاب ني تبل ، تا اد اره نق باچ ! جاغن تاكوتله ، اديق كاكق ! بوليه چادغ نق باچ سيكيت سهاري ، سيكيت سهاري ، تا كنا باچ بري هابيس دغن سكالي كوس ،

- <u>نق مولائي باچ د مان ؟</u> 1. موليق مولائي د فن سورت يڅ کتيک ، هق نام دي **لوقس** ، د موک(202) .

2. لفس فد تو ، بولیه باچ سورت یغ کلیم، هق نام دی گرچ صحابة ۲ عیسی ، د موک (453) 3. لفس فد تو فول ، بولیه هوبوغ باچ سلالو

- دالم سورت كيريمن هق نام دي روم ، د موك (555) .
  - 4. لفس فد تو ، بولیه باچ کي سلالو سمفي سود .

#### 3. بلوم نق باچ مینتا ٔ دعا دولو

تنتوله ، كادغ ٢ ، اديق كاكق هق دوق باچ كتاب انجيل تو ، نق برتمو دغن فركارا ٢ هق ايسي دي دالم ، اتوا هق فايه فهم ، تافي تا كنا براس واويه ، صبر دولو ، باچ كي ساج ، فس چاري فلواغ فريقسا تان كورو كتاب انجيل چارا حال فركارا ٢ هق تا فهم لاكي ،

كنف كالي ، بلوم باچ ، ايغتله كات كتاب انجيل سروف فركتان هق توهن انتوق هاتي اديق كاكق ، معلومله مانسي نق ارتي دغن سمفرن ، سموا فركارا چارا حال توهن يغ مهاكواس . فيكيران مانسي كيت تا سمفي ، توهن ساجاله هق بوليه بوك مات هاتي اديق كاكق بري ارتي ، سبب توله ، بلوم باچ ، مينتا دولو ، كنف كاكالي ، مينتا توهن تولوغ بري هاتي چره ،

### التوجوان توهن تورون كتاب الجيل كا ما نسي

اد ایات دالم کتاب انجیل هو رویت بری تاهو توجوان توهن تورون خبر بایك هق دي اتس مانسی، كات توجوان دي تو ، نق بري اديق كاكق هق باچ ، فرچاي كات عيسى جادي المسيح هق توهن هنتر تورون جادي جورو سلامت مائسی ... فس دغن فرچاي بالس نی، نق بري اديق كاكق تريما هيدوف چارا بارو هق توهن، دغن سبب عیسی نی .

هارف کات ادیق کاکق نق امبیق سبواه کتاب انجيل کي باچ . فس ، بيلا باچ ده ، نق تمو دغن میدوف چارا بارو هق توهن تو.

اد سورت سالاً في هق بوليه باچ ، نام دي:-"اد سوڠکوه کا دق ، کتاب توهن هق تا ترفاکي ؟" برموبوغله دغن: کوروکتاب انجیل

คู้ ป.ณ. 20 . อ.สายบุรี **จ. ปักกานี . 94110**